



BOSNA I HERCEGOVINA
PARLAMENTARNA SKUPŠTINA
BOSNE I HERCEGOVINE
PREDSTAVNIČKI DOM

Broj: 01-011-982/03.
Sarajevo, 17. jula 2003.

Z A P I S N I K

sa 16. sjednice Predstavničkog doma Parlamentarne skupštine Bosne i Hercegovine,
održane 17. jula 2003. godine

Šesnaesta sjednica počela je s radom u 17,10 sati – poslije završetka nastavka 15. sjednice. Prisustvovalo je 38 poslanika. Opravdano su odsustvovali Abdulah Nakaš, Zlatko Lagumdžija i Mladen Potočnik.

Iz Vijeća ministara niko nije prisustvovao sjednici. Ispred Predsjedništva prisustvoval su Slavko Marin, Teodor Lunić i Anto Grbić.

Iz međunarodnih organizacija prisustvovali su Dario Šikuljak – OSCE i Jelena Despot – EUPM.

Predsjedavajući Džaferović upoznao je poslanike da je neposredno pred početak sjednice održana kratka sjednica Kolegija u proširenom sastavu, na kojoj je dogovoreno da se dnevnik od 16. sjednice skрати, imajući u vidu dužinu trajanja nastavka 15. sjednice, tako da se isključe tri tačke: poslanička pitanja i odgovori, razmatranje dokumenta “Sigurnosna politika BiH” i Nacrt izvještaja evaluacije o Bosni i Hercegovini Sekretarijata GRECO. Rekao je da ove tačke vjerovatno iziskuju širu raspravu, pa će biti uvrštene u dnevni red 17. sjednice koja će se održati 7. avgusta tekuće godine.

Nijaz Duraković priogvorio je što se za 7. avgust planira 17. sjednica, jer je većina poslanika na godišnjem odmoru, na što je predsjedavajući odgovorio da je Kolegij imao u vidu taj problem i da postoji vjerovatnoća da Dom neće biti u punom sastavu, ali da se 8. avgusta vrši rotacija u predsjedavanju Domom, te da se Kolegij trudi da se osigura kontinuitet u funkcionisanju Doma. Iz toga razloga Kolegij je odlučio da za 7 avgust sazove 17. sjednicu. Zatim je predsjedavajući Džaferović konstatovao da 16. sjednica ima sljedeći

D N E V N I R E D:

1. Izvještaj Komisije Kolegija o nastojanju za postizanje saglasnosti o zahtjevu zastupnika Mladena Potočnika za razmatranje Prijedloga zakona o izmjenama i dopunama Zakona o veterinarstvu u BiH (zahtjev po članu 105. Poslovnika),
2. Izvještaj zajedničke komisije oba doma o postizanju sporazuma o jedinstvenom tekstu Zakona o izmjenama i dopunama Zakona o izbjeglicama iz BiH i raseljenim osobama u BiH,
3. Zahtjev Vijeća ministara za razmatranje Prijedloga zakona o Vijeću ministara Bosne i Hercegovine po hitnom postupku, u skladu s članom 105. Poslovnika,
4. Prijedlog zaključka o utvrđivanju radno-pravnog statusa članova Izborne komisije BiH,
5. Popuna člana Ustavno-pravne komisije Doma,
6. Davanje saglasnosti za ratifikaciju:

- a) Sporazuma o unapređenju i zaštiti investicija između Bosne i Hercegovine i OPEC – Fond za međunarodni razvoj i
- b) Sporazuma o razvojnom kreditu (Razvojni projekat male komercijalne poljoprivrede) između BiH i Međunarodne asocijacije za razvoj

Ad – 1: Izvještaj Komisije Kolegija o nastojanju za postizanje saglasnosti o zahtjevu zastupnika Mladena Potočnika za razmatranje Prijedloga zakona o izmjenama i dopunama Zakona o veterinarstvu u BiH (zahtjev po članu 105. Poslovnika)

Predsjedavajući je podsjetio da se Kolegij nije usaglasio o zahtjevu poslanika Potočnika za hitnu proceduru po članu 105. Zatim je zahtjev dao na glasanje u drugom krugu.

Od 38 prisutnih za su glasala 24 poslanika, 14 je glasalo protiv. Glasajući po entitetima, iz RS protiv je glasao jedan poslanik, a iz Federacije BiH 14.

Predsjedavajući je konstatovao iz Federacije nije bilo 2/3 protiv, i da je zahtjev Mladena Potočnika za razmatranje predloženog zakona po članu 105. usvojen. Potom je dao na glasanje Prijedlog zakona o izmjenama i dopunama Zakona o veterinarstvu u BiH.

Prisutno je bilo 38 poslanika. ZA glasalo 17, protiv 19, jedan poslanik je uzdržan.

Predsjedavajući je konstatovao da Prijedlog zakona nije dobio većinu prisutnih i da nije usvojen.

Ad – 2: Izvještaj zajedničke komisije oba doma o postizanju sporazuma o jedinstvenom tekstu Zakona o izmjenama i dopunama Zakona o izbjeglicama iz BiH i raseljenim osobama u BiH

Predsjedavajući je napomenuo da je Zajednička komisija usaglasila je istovjetni tekst Zakona, pa je Izvještaj Komisije dao na glasanje.

Izvještaj Zajedničke komisije usvojen je jednoglasno – sa 38 glasova.

Ad – 3: Zahtjev Vijeća ministara za razmatranje Prijedloga zakona o Vijeću ministara Bosne i Hercegovine po hitnom postupku, u skladu s članom 105. Poslovnika

Predsjedavajući je podsjetio da se radi o zakonu koji je na privremenoj osnovi proglasio Visoki predstavnik i da se zakon već primjenjuje.

Predsjedavajući Kluba poslanika SDS-a, Momčilo Novaković, obavijestio je Dom da Klub poslanika SDS iz principijelnih razloga neće podržati n jedanzakon koji nametne Visoki predstavnik, a koji nije bio u parlamentarnoj proceduri.

Mirsad Čeman je u svojoj diskusiji rekao, pored ostalog, da će on podržati usvajanje ovog zakona imajući u vidu činjenicu da se Zakon ne može mijenjati prije nego što se usvoji u Parlamentu. Dalje je rekao da se zakon koji proglasi Visoki predstavnik mora usvojiti u istom tekstu, i onda se pojavljuje situacija da se dva puta objavljuje isti tekst. Predložio je da rukovodstvo Doma ili Parlamenta, u saradnji sa ekspertima OHR-a, postigne dogovor da se ne mora objavljivati tekst zakona koji je već objavljen, nego da se iznađe neka forma, npr. da se objavi zakono proglašenju zakona. Naglasio je da bi to bilo dobro i iz praktičnih razloga, jer bi se postigla velika ušteda.

Munib Jusufović predložio je da se sačini spisak zakona koje je proglasio Visoki predstavnik, a koje Dom nije usvojio, iz razloga da počnemo radiit sami i da počnemo promjene zakona koji su nametnuti, jer za više njih ima prijedloga izmjena.

Hasan Muratović da Zakon o Vijeću ministara sadrži nekoliko stvari koje uopšte ne stoje, a kao jednu od njih naveo da se govori o predsjedavajućem Vijeća ministara.

Poslije diskusije predsjedavajući Doma na glasanje je dao zahtjev Vijeća ministara za proceduru počlanu 105.

Zahtjev je usvojen sa 31 glasom za, 4 protiv i 2 suzdržana.

Po usvajanju zahtjeva Dom je usvojio Zakon o vijeću ministara. Za zakon su glasala 33 poslanika, 4 subila suzdržana. Po entitetima, iz Federacije BiH za je glasalo 25, iz Republike Srpske 8.

U svezi s prijedlogom Mirsada Ćemano vezano za objavljivanje zakona, diskutovali su Šefik Džaferović, Azra Hadžiahmetović, Petar Kunić.

Poslije diskusije predsjedavajući je rekao da se radi o pravno-tehničkom pitanju koje može biti značajno s aspekta ušteda, ali da su izražena suprotstavljena mišljenja, te se Dom neće izjašnjavati o ovom pitanju, a da će Kolegij o tome nastojati rješenje.

Ad – 4: Prijedlog zaključka o utvrđivanju radno-pravnog statusu članova Izborne komisije BiH

Uvodne napomene u vezi s Prijedlogom odluke dao je predsjedavajući Džaferović.

U diskusiji su učestvovali Miloš Jovanović, Vinko Zorić, Munib Jusufović, Nikola Špirić, Nijaz Duraković, Seada Palavrić, Momčilo Novaković, Sead Avdić, Petar Kunić, Hasan Muratović, Milorad Živković, Azra Hadžiahmetović i Šefik Džaferović.

Poslije diskusije Dom je usvojio Zaključak o radno-pravnom statusu članova Izborne komisije Bosne i Hercegovine, s dopunom koju je predložio poslanik Petar Kunić. Za odluku je glasalo 29 poslanika, suzdržalo se 8. Iz Federacije za je glasalo 19, iz Republike Srpske 9 poslanika.

Ad – 5: Popuna člana Ustavno-pravne komisije Doma

Za člana Ustavno-pravne komisije izabran je Momčilo Novaković, umjesto Borislava Paravca kojem je prestao mandat poslanika zbog odlaska na drugu dužnost.

Ad – 6: Davanje saglasnosti za ratifikaciju:

- a) Sporazuma o unapređenju i zaštiti investicija između Bosne i Hercegovine i OPEC – Fond za međunarodni razvoj i
- b) Sporazuma o razvojnom kreditu (Razvojni projekat male komercijalne poljoprivrede) između BiH i Međunarodne asocijacije za razvoj

Dom je jednoglasno dao saglasnost za ratifikaciju sporazuma pod a) i b).

Ovim je predsjedavajući Džaferović završio 16. sjednicu, uz napomenu da će 17. biti sazvana za 7. avgust.

Sjednica je završena u 18,35 sati.

Sastavni dio Zapisnika je transkript 16. sjednice Predstavničkog doma.

SEKRETAR
PREDSTAVNIČKOG DOMA
Branka Todorović

PREDSJEDAVAJUĆI
PREDSTAVNIČKOG DOMA
Šefik Džaferović